

# Galicia Encantada



ANIVERSARIO  
2005 \* 2025  
Enciclopedia de Fantasia Popular de Galicia

## Calendario

### CATEGORÍAS RELACIONADAS

#### *Micromitos 086: Coutar o ano*

Un rito que xa desapareceu da memoria da xente era o de «coutar o ano». Para contarlles como se facía extractamos o que nos contaba nun artigo en prensa en 2001 a escritora Helena Villar Janeiro, un caso concreto que se facía nunha casa do Letrún, en Becerreá, aló polo primeiro cuarto do s. XX.

A cerimonia tiña lugar tras a cea, ás doce en punto da Noitevella e nela participaba toda a familia. O practicante era o señor Alexandro, un viúvo cunha morea de fillas e fillos. O lugar, dentro da casa, a carón das táboas que dividían a parede do cuarto principal. Situábanse a un lado o oficiante e ao outro, a prole.

O patrón usaba a cota dun machado para golpear as táboas. Tras o primeiro golpe, dicía: Vou coutar o ano! E o coro respondía: Vai coutar o ano! A continuación comezaba unha ladaíña que duraba o tempo necesario para conxurar todos os males previsibles que se querían evitar no ano entrante: Couto aos ladróns! Ao que o coro de voces respondía: Couta aos ladróns!

Couto estafadores, pestes, pragas, doenzas... e así ata que se consideraba protexido o fogar de todo mal.

Serie: **Micromitos**

**Publicación:** *Nós Diario*, 30 de decembro de 2021.